

十七史蒙求

王令

文硕阁

wenshuoge.com

目录

关于我们	3
●卷一	5
●卷二	6
●卷三	7
●卷四	8
●卷五	9
●卷六	10
●卷七	11
●卷八	12
●卷九	13
●卷十	14
●卷十一	15
●卷十二	16
●卷十三	17
●卷十四	18
●卷十五	19
●卷十六	20

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

●卷一

宋璟第一，李广无双。燕许手笔，李杜文章。

通有一心，绾无他肠。鸟鹊识李，草木知张。

韩信开基，耿弇发迹。味道模稜，琰之霹雳。

萧宏钱愚，李愬地癖。君苗焚砚，锺繇阁笔。

洪武讽帝，方庆悟君。好礼卧马，申屠轂轮。

李密爱日，仁杰顾云。泰山北斗，凤鸟景星。

陈顼高门，王濬广路。顼能友爱，登无恚怒。

送穷愈文，逐贫雄赋。谢文二刻，柳诗三步。

安仁八徙，田秋九迁。威王宝臣，奚恤器贤。

杨文倾河，苏思涌泉。吕望见日，乐广睹天

五柳先生，七松处士。杞梓韦赵，兰菊裴李。

叔敖丘荐，宣光雄举。疾足节度，伶人刺史。

●卷二

石苞当相，卫青封侯。误点作蝇，落笔画牛。

一诺季布，片言仲申。衍口雌黄，裒皮阳秋。

荀家八龙，贾氏三虎。战胜朝廷，折冲樽俎。

汉卧发兵，郝餐击虏。致瓜苏琼，挂黄兴祖。

裴楷如玉，卫玠若珠。明牛漏蹄，庾马的卢。

徐刍一束，任水一盂。凌统虎子，陆云凤雏。

贾会一龙，韦氏三宿。宋均渡虎，法雄息兽。

烏必思越，仪不忘旧。百纸参军，一钱太守。

梁感石英，阮致人参。仁裕剖肠，知章破心。

陈重还绶，不疑偿金。周阳憎爱，延年浅深。

沧海遗珠，昆山片玉。李广射石，方翼仆木。

王志遣囚，曹攄开狱。萧何不治，孝恭粗足。

●卷三

江湖散人，烟波钓徒。孔不假盖，阮遂焚车。

立本画师，公绰侍书。季常白眉，子文黄须。

伯周六翮，庞参一鹗。臧祀爰居，霸奏鹞雀。

韩休峭鲠，萧嵩宽博。庾袞父诚，陶侃亲约。

子过不食，弟争自挝。李藩涂诏，和鼎坏麻。

黑孙不朽，畴子可夸。张能报国，霍不为家。

仲尼后桃，子约先黍。孙权优劣，太宗可否。

负布辱该，赐钱愧武。乳饮兄弟，经授母子。

嗣宗远识，遥集知机。张辅著论，许劭品题。

博不重味，湛无兼衣。乐羊啜子，秦巴放麇。

李膺龙门，樊晔虎穴。祢衡一览，李华再阅。

敬宗从裴，成帝听薛。季英定交，林宗奖拔。

●卷四

太宗吞蝗，沙穆祷螟。元胄蔽户，樊哙入宫。

庞公遗安，杨震遗清。韦纯举弟，景圭荐兄。

文烈温柔，刘宽长者。刘求凤毛，虞对鰕鲈。

恺谏简牛，田赍弃马。惠连才悟，山简温雅。

薛家三凤，许氏二龙。郑繁作相，陆玩为公。

黄昌获妇，庞母得翁。奋禽隗茂，灵拔季雍。

杜敌数百，魏贤十万。张敷絨扇，范乔执砚。

说持牛角，虔拔虎箭。爽御李膺，淑师黄宪。

槐生秉政，乌集迁官。虞观越石，吴饮贪泉。

洪不执玉，衍不言钱。孔明龙卧，王猛螭蟠。

言富称朱，治生祖白。均绝山公，豹禁河伯。

文举葛巾，灵运木屐。表邵门闾，赐张缣帛。

●卷五

郭伋时雨，季晟雷霆。自楚谏母，求笞代兄。

宋狱蓬满，刘圉草生。子文逃富，韩康避名。

周交醇醪，顾政旨酒。义府人猫，羊祉天狗。

宁交莫逆，魏朋耐久。兔军犬城，窞窞牛口。

鬼帝射鹿，邓芝中猿。炫举五事，刘应百端。

段不纳诏，郅固拒关。玄龄留杜，萧何追韩。

晋景膏盲，秦孝灵府。卢门不箔，崔室无庑。

胜妾笑璧，齐母观倮。卢谿师德，忠寄伟父。

宋就交欢，羊祜通和。俭恐名盛，机患才多。

书壁酬酒，写经市鹅。公权笔谏，桓伊箏歌。

昭云夹日，景星退舍。汤心重轻，犁手上下。

铨授行觞，荣陷执炙。毛玠俭率，杨绾风化。

●卷六

成侯举士，翟黄进贤。崔氏绣衣，子臧鹬冠。

何远还水，仲山投钱。诩不求易，宗岂辞难。

七阶义琛，五品南仲。李戡辨争，阳城决讼。

墨子九拒，葛亮七纵。郭系安危，裴任轻重。

陈平多智，周勃少文。单车化盗，造垒申恩。

鵬止谊坐，鵲巢珩门。布帟分士，囊粮赐军。

文昌游霁，巨君致雨。广告漆弓，郴解赤弩。

绍戮臧陈，桓狱李杜。薛童城郭，宇儿部伍。

白起当死，邓禹必兴。甘罗报赵，唐睢见秦。

马援身请，李靖堪行。宇恺造殿，何稠制城。

宋武纳衣，隋文昔服。吉不道恩，韩非报辱。

婴数爱马，朔言重鹿。温恢振宗，汜腾施族。

●卷七

太宗怒范，汉文责唐。玉诈怪石，雉欺凤凰。

臧减见弱，诩增示强。赵谢界上，霸劳道傍。

灵运二宝，伯施五绝。孔觐醒判，崔咸夜决。

梓占错失，朱相蹉跌。牛溲马渤，竹头木屑。

齐桓长霸，卫灵为贤。腹稿王勃，宿构仲宣。

恭令归牛，韩劝移田。鞅予徙木，起赐移辕。

咎犯荐仇，解狐举怨。李善养续，汲固抱宪。

勉投犀珍，顓焚锦绢。白公舍屈，崔杼释晏。

巨源八斗，祖言二升。敖复郢市，晏省齐刑。

樊恶禽肉，卫放郑声。考叔施郑，茅蕉说秦。

王氏三珠，陆生双璧。张居蓬蒿，周巷荆棘。

陈馥杖箠，食其冯轼。典冠取衣，掌朝进笔。

●卷八

廖居郭北，王隐墙东。陈兵虞诩，转车臧宫。

荀识牛铎，远谐黄钟。王思逐蝇，持正敛蜂。

汉武礼黯，魏明惮阜。晁错智囊，杜预武库。

夏侯经术，杨侃才具。叱狗去妻，骂婢出妇。

权会诵易，顾欢置经。元达知味，公曾识薪。

干木在魏，仲连却秦。陈遵放意，张竦苦身。

文种七术，计然十策。毛遂囊锥，行冲药石。

城申慷慨，群非拱默。叔敖阳报，士谦阴德。

胜举洪范，隼证春秋。子胥抉眼，王豹系头。

举问三杨，侯事五楼。高获诈马，张捕盗牛。

兄弟七业，父子二传。薛宣分缣，范邵断绢。

柳政不类，崔治知变。虎板骇马，蒿人得箭。

●卷九

瑾明双阙，樗讖两宫。苏章按事，源怀奉公。
杜林行义，赵孟怀忠，王播强济，班宏益恭。
张汤后薪，李程长翮。馱馱食苏，夜光投白。
伯奇廷争，子阿就格。王任子孙，葛延宾客。
三朝颜驷，五悲照邻。左思都赋，王充论衡。
瑒辞碑颂，俊求史名。览饮母子，琼谕弟兄。
士安书淫，杜预传癖。王吉完枣，桓礪系橘。
虞笔广谈，乐旨潘笔。琰优义琛，王劣安石。
杨修黄绢，张鹭青钱。张钧不饵，陶琴无弦。
何晏妇服，妹喜男冠。赠刀赠带，佩韦佩弦。
颜遗四能，宋传三绝。神物护刘，江山助说。
徐庶方寸，赵苞忠节。贾山涉猎，谷永疏达。

●卷十

燕师郭隗，齐礼鄙人。侯未封李，公不至程。

亮制牛马，钩作车轮。张翰适志，元凯好名。

王丹不拜，子高高揖。绰鄙山涛，曾摈阮籍。

谢艾泉鸣，虞潭鹰集。魏女掩鼻，冯氏伪泣。

新罗传记，鸡林售诗。谢安蒲扇，王导布衣。

歆向自异，建胜相非。戎职弑懿，张范杀飞。

太史载崔，董狐书盾。王烈遗布，道虔送简。

王敦惧访，黄皓畏允。和峤千文，王惠万顷。

穆氏四味，窦君五星。重名周顗，天才潘京。

段击朱泚，顾奋延龄。甄彬廉慎，高允清平。

史鱼尸谏，禽息头击。渊明解印，延之脱帻。

勉设虚位，逊鬪骗石。文恕翻美，秀赦复食。

●卷十一

潘璋嗜酒，鲁望品茶。士稚囊土，道济量沙。

楚王吞蛭，叔敖埋蛇。堙江张俭，障河武嘉。

外明奇术，付琰县谱。顾悌画棺，宣伯木主。

乘船徽之，褰裳宣子。推临必旱，嵩到即雨。

张华博物，刘杳综书。孚持帽酒，恪续题驴。

马隆自任，龚遂无拘。滥死高鼻，误杀无须。

遐叔古文，皎然旧制。乌羸谷量，桥桃钟计。

武分肥广，包取荒废。云抱刘禅，婴收孝惠。

仲由拯溺，子贡赎人。赵孝替弟，季江代兄。

野王相代，侯亶先经。不易千驷，何假百城。

彪之练仪，张说修史。竹筒置书，木鹅论事。

授周御盖，送綯莲炬。木刻郢都，金铸郝玘。

●卷十二

阍泽儒学，桓荣帝师。荀夺凤池，岑忧中书。

执刀孙婢，读书郑奴。诫子如龙，愿儿师徐。

奕琛二方，诸葛三国。陆逊调度，荀攸算策。

昭悲失屣，犯哭弃席。翟公交情，孟尝好客。

优孟讽谏，那律直言。荀息谏晋，子瑜喻权。

周顒葵蓼，师正松泉。王言除刘，张请诛安。

刘畴吹笛，越石清啸。兄弟祸难，父子忠孝。

朱伺接鋌，敬德奔槩。寇贾相解，周程不校。

紫芝眉宇，季真风流。削稿戴胄，焚章马周。

悉陵搏兽，许褚曳牛。郑浑平贼，张敞责酋。

渠牟偏任，王伾褒宠。社稷蒋琬，别驾庞统。

素屏赐玠，白扇饷孔。毁君为功，结袜取重。

●卷十三

唐明友悌，汉文不容。成回尝敬，机汜甚恭。
云闻拜相，舒知为公。劭责厨人，臻呼仪同。
辛勉引药，李业饮毒。王述掷卵，谢密投局。
尔敞易衣，林卿变服。昇叹白须，备悲髀肉。
赵襄赏赫，晋文次狐。代作帝师，袭为名儒。
世南写传，蒋乂诵图。旷见奥境，徐知真师。
承宫推采，子干与稻。朱伺能忍，元璩折诮。
效泰折巾，慕信侧帽。庾袞过恭，刘琨立操。
周兴大瓮，元礼铁笔。戎峤悴貌，良伯毁容。
杨收辨角，承胃知宫。神竭于颂，精尽于弓。
刘词枕戈，陶侃运甓。阮咸莫辨，罇于罕识。
何知铜斗，澄明服匿。仿父还厨梅，玼纳靡桔。

●卷十四

项羽破釜，孟明焚舟。苍乐为善，邈畅清修。

郑泉酒船，陈暄糟丘。季珪破鸡，仲文放牛。

佯誉申生，诈爱魏女。澄苏石斌，扁起虢子。

元瑜具革，宾王论事。喜蒙能食，恐素不死。

骞辟唐彬，统爱盛暹。勇惭行本，秀惮元岩。

佯食怀慎，随驾子潜。盖冰寒水，李青成蓝。

珪母具酒，宗亲广被。愔记障面，奉识半视。

推万落床，曳遐堕地。胡服暱恩，夷称慈惠。

郑发墨守，秦攻长城。贯之辞缣，思复封绫。

赤眉异破，黄巾嵩平。俛劝偃革，植不知兵。

晋卿步县，师范拜令。布囊王孙，俭葬休并。

士思喻俗，公义疗病。隐甫不屈，挺之负正。

●卷十五

訐歆梁稷，陆王镜霜。张晒米耗，柳笑杯亡。

李皋发廩，郑默开仓。祖言被幞，君游布囊。

崔碣发奸，真卿辨狱。范贵舟人，庄重申叔。

奴爱萧才，都化阳德。火浣魏疑，虾须修服。

策辨魏鼎，郑悟汉铭。赐绢市书，给麻为缙。

守素向谱，刘芳石经。颜固巴郡，峻宋葭萌。

韦澳行法，元纁书判。安世隐过，丙吉扬善。

五鹿折角，日用北面。徐政不辱，陈判无怨。

荣毗奉法，张陵报恩。宋德可仰，真名难闻。

群忧惭长，昶不及孙。玉在石间，鹤在鸡群。

曹仁突围，张辽冲垒。是仪无过，牛弘尽礼。

疏献王浚，水钱赵轨。潜遗青土，攸饮吴水。

操之算尽，子季德延。冯击莎车，傅报楼兰。

刘宽苇杖，伯谦皮鞭。拓苌不笑，范粲何言。

王彤补幘，公孙布被。朱不责奴，陆但遣吏。

王凤擅权，子威忠义。■〈契，石代大〉榱椽材，俭栋梁气。

●卷十六

孟光操作，少君挽提。吉归男物，崇还泰儿。

李邕了辨，士正无遗。兴不恤讳，雄不问时。

傅縡操心，高获受性。鬻蔑言善，子羽名振。

鲍鱼非礼，邪蒿不正，解械妊身，宿狱怀孕。

埋牛茂远，瘞鹿裴宽。子林降彭，黄巾避袁。

情好备亮，不负瑾权。苏琼止盗，王涣诛奸。

杨修俊才，张尚辩捷。借曹厌众，斩奴明法。

徐写甘蕉，虔书柿叶。李心剑戟，平腹鳞甲。

文饶下驾，卓茂挽车。管苏犯我，申侯顺吾。

文德菜菹，季伟草蔬。献之大字，应用细书。

偃不草麻，谅固执节。瑀识卧吹，瑜知音阙。

赵达精算，孔奕明察。韩贺争功，浑濬陈伐。

惠击羊皮，琰鞭团丝。堕泪祜庙，下拜骏碑。

迪不解义，善不能辞。刘娶吴女，豹内薄姬。

疑参杀人，信市有虎。请言农事，不对樵酤。